




Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Science, Higher Education and Youth

Broj: 27/03-34-14745-2/22  
Sarajevo, 10.05.2022. godine

**UNIVERZITET U SARAJEVU**  
Sarajevo, Obala Kulina bana 7



**PREDMET:** Odgovor na vašu molbu, *dostavlja se*

*Veza: Vaš akt, broj: 0101-3710/22 od 04.04.2022. godine, i broj: 0101-4415/22 od 18.04.2022. godine*

*Poštovani,*

Ministarstvo za nauku, visoko obrazovanje i mlade Kantona Sarajevo zaprimilo je vašu molbu gornji broj kojim ste zatažili instrukciju u postupanju u vezi sa sljedećim:

1. Da li je Univerzitet/organizaciona jedinica obavezna osloboditi obaveze plaćanja školarine studente iz posebnih kategorija definisanih članom 164. stav (9) Zakona o visokom obrazovanju, a koji se upišu na vanredni studij?
2. Da li je Univerzitet obavezan osloboditi školarine studente iz posebnih kategorija koji se upišu na komercijalni studijski program?

Član 164. st. (9) i (10) Zakona o visokom obrazovanju („Službene novine Kantona Sarajevo“, broj: 33/17, 25/20, 40/20 i 39/21) glasi:

„(9) Univerzitet/organizaciona jedinica je obavezna osloboditi plaćanja troškova školarine studente iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja.

(10) Univerzitet/organizaciona jedinica ima pravo za broj kandidata koje oslobodi plaćanja troškova školarine u skladu sa stavom (9) ovog člana, proširiti broj studenata koje upisuje u prvu godinu studija kandidatima koji ispunjavaju formalni uslov za upis i to u statusu studenta koji plaća svoj studij.“

Iz citiranog stava (9) člana 164. Zakona o visokom obrazovanju je vidljivo da Zakon ne utvrđuje izuzetke (po strukturi studenata) od oslobađanja troškova školarine djece koja pripadaju posebnim kategorijama. Član 164. Zakona tretira upis studenata u prvu studijsku godinu prvog i drugog ciklusa studija, kao i integrisanog studija, tako da se i oslobađanje školarine pripadnika ove kategorije odnosi na ostvarivanje tog prava prilikom upisa prve studijske godine prvog i drugog ciklusa studija, kao i integrisanog studija.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: [info@mon.ks.gov.ba](mailto:info@mon.ks.gov.ba)

S obzirom da je u proteklim godinama Univerzitet u Sarajevu uveo stručne dvogodišnje studijske programe, zajedničke studijske programe sa domaćim i/ili inostranim visokoškolskim ustanovama i slične studijske programe čije školarine predstavljaju vlastiti prihod Univerziteta u Sarajevu (a ne prihod Budžeta Kantona Sarajevo), Ministarstvo je stava da o oslobađanju školarine na tim studijskim programima odlučuje isključivo Univerzitet u Sarajevu.

Što se tiče vaše molbe da ovo ministarstvo u saradnji sa Ministarstvom finansija Kantona Sarajevo omogući studentima uplate školarina početkom ljetnog semestra odnosno nakon 31. decembra (a što bi se regulisalo ugovorom o studiranju), obavještavamo vas da u ovom trenutku nije moguće realizirati takvu molbu niti omogućiti uplate školarina nakon 31. decembra budžetske godine. Cijenimo da ste upoznati da je i u toku usvajanje novog Zakona o visokom obrazovanju, koji će na drugačiji način tretirati ovo pitanje.

S poštovanjem,

Dostaviti:

- Naslovu,
- a/a.

Pripremila: Adisa Hoja  
Pomoćnica ministricе: Azra Wazović  
Sekretarka: Belma Trajkov

